

論

菩薩道

論

惟悟

一 導言

二 釋義

今日之世，據說是人智發達，科學昌明，生產甚衆，受用不盡，可謂猗歟盛矣，應加讚嘆！然而回頭去看，前面固是美景，後邊亦有慘象，萬別千差，高低不平。誠如古人所謂：「朱門酒肉臭，路有餓死骨」。又曰：「美人帳下猶歌舞，壯士軍前半死生」。甚至有人還引古詩所謂：「商女那知亡國恨，隔江猶唱後庭花」！其苦樂相雜，哭笑不同，有如是也。此世間上之一切矛盾現象，便交織着一幅陞官圖與流亡圖，令人一面生其羨慕之心，一面爲之憂愁不已。苟無人加以濟度，來日大難，必方興未艾！此佛謂：「三界無安，猶如火宅」。即言此一娑婆世界，全皆是苦，無一可樂，當何所戀，猶自不捨？又曰：「所有一切衆生之類，若卵生，若胎生，若溼生，若化生，若有色，若無色，若有想，若無想；若非有想，若非無想，我皆令人無餘涅槃而滅度之」。此爲其發心度生之宏願，所謂拔苦與樂，起死回生；亦即是欲如所謂：「老者安之，少者懷之」。又曰：「如是滅度無量無數無邊衆生，實無衆生，得滅度者。何以故？須菩提！若菩薩有我相，人相，衆生相，壽者相，即非菩薩」。此亦爲其毫無條件之度生，即所謂捨身救人之菩薩道也。良以一切人類皆有慈而不普，有悲而不恆。雖孟子嘗謂：「令人乍見孺子將入於井，皆匍匐而往救之，非欲內交於孺子之父母也；非欲要譽於鄉黨朋友也，非惡其聲而然也。是故惻隱之心，人皆有之」。此儒者謂：「人皆可以爲堯舜」。佛謂：「一切衆生皆有佛性」。便即由於其既有覺性亦有慈悲心也。然而論語嘗謂：「子釣而不網，弋不射宿」。孟子謂：「君子之於禽獸也，見其生不忍見其死，聞其聲不忍食其肉，是以君子遠庖廚也」。有人亦曾笑其爲假慈悲，可食而不可看，何必猩猩作態！又如耶教徒亦恒謂：「牛羊雞鴨魚等，是上帝造來給我們吃的」。假神殺生，罪過無邊，尤爲荒謬絕倫，不近情理！因此所謂世風不古，人慾縱橫，怨聲四起，險象環生；便亦由於煩惱邪見之作祟，惡師賊徒之煽惑，種種愛憎，種種界域；生起分別之心，作出凶惡之事。遂致其結果雖愛其家，而不愛人之家；雖愛其國，而不愛他之國；又雖愛所謂世界大同，而不愛於異類禽獸。卒至於不惟不愛，甚或侵之奪之，打之殺之，死有餘辜，報在兒孫！此凡夫之愛，不幾亦與菩薩之慈，南轅北轍，背道而馳？故若苟非行於菩薩之道，匪惟無法濟人，實亦便不足以言於救世也。用特不揣謬陋，分述如次：

夫梵語菩提薩埵，此譯正覺有情。謂此人智慧殊勝，自覺覺他。達法真際，離諸迷惑顛倒；能拔一切苦，與一切樂，德量廣大，志願超絕；以度他爲自度，利人作己利，勇猛無畏，精進不已。且於人類中最高尊勝，慈悲爲懷，喜捨是念；普能感化一切魔怨，實非凡外所能攝伏；心大力大，行大果大，是名菩薩摩訶薩也。又其所行利生之道，造作成辦廣大之事業，純如所謂：「不捨塵勞爲佛事，常宏教法利人生」。旨在益人，實非爲己，既不求名，亦弗貪利。故名其爲菩薩道，亦名爲大士行也。此殆如莊子所謂：「禹親自操耒耜而九雜天下之川，辨無朕，脛無毛，櫛甚風，沐甚雨」。又如孟子所謂：「墨子兼愛，摩頂放踵，利天下而爲之仁」。是均爲在行菩薩之道，亦即佛教所特有利他之行也。譬如一切衆生，咸皆非無欲望，亦非不欲求脫諸苦；欲謂衣食居住欲，男女室家欲，遺興娛樂欲，社會治安欲等。苦謂貧窮飢寒苦，悼獨縲寡苦，盜賊劫掠苦，暴政榨克苦等。皆需要有人施以資財，施以無畏；尤其是施以妙法，啓其智慧，救其愚癡；令其解脫生死，跳出輪迴，得安隱樂，不受後有。所謂「後我后，後來其蘇」。若大早之望雲霓，亦不是過也。惟獨惜世人皆以利己爲心，自度是念，所謂如秦人之視越人，苦樂漠不關心，尙復何言！此菩薩之道，不如俗人之口是心非，惠而不費，無一可取；亦非如二乘之人，只知安享極樂之福，怕惹煩惱之事。如佛所謂「焦芽敗種」，永難生長善根，對其亦無希望。是知在今日之世，不愁天災人禍紛至沓來，如陷水火，頗不安穩；但恐無人能行菩薩之道，拯其陷溺，登於衽席，是不能不爲衆生悲也！故所謂菩薩道者，實如孔子之所謂「殺身成仁」，孟子之所謂「捨生取義」；以及如地藏菩薩之所謂：「衆生度盡，方證菩提，地獄未空，誓不成佛」。是即名爲菩薩之道，亦爲驚天動地之利人行也。

三 觀機

是以菩薩將在度生之時，心有所思，行必相應。諦觀衆生業報，善知諸法因緣，始能對症下藥，予以根治，此爲一定不易之理也。譬如一切有情之苦。或由自因所生，或隨他緣而起，性質複雜，不一而足。其所謂自因者，謂其或自懶惰，或自愚癡，或自懦弱，或自貪欲；甚或其性暴戾凶狠，無慚無愧等。對於資生事務，不動勞作，罔欲修治，受用不節，取捨非正，甚或爲財利所驅，爲奸爲盜，或殺或奪，妄言兩舌，詭詐活命等。

致由如是之惡業，感得相當之苦報；比如貧窮飢寒流離，罰鍰枷鎖牢獄，是為由因所生也。其所謂他緣者，謂其由於業感與外力，遭逢天災，常遇入禍，水旱風火，毒蟲飛蝗，刀兵飢饉，疫疾流行等，是為天災。又因由於風俗不良，政治失修，教育非法，邪說爭鳴等。以致人心敗壞，社會不寧，爭奪相尋，盜賊竄起；造成內亂不輯，外患頻乘，所謂強陵弱，衆暴寡，智欺愚，勇苦怯等，是名人禍。故有如斯之種種因緣，必使民不聊生，逃亡轉徙，父母凍餓，兄弟妻子離散，所謂老弱轉於溝壑，壯者鋌而走險；或歿於水火，或喪於兵戈，無怙無依，無恤無救，是誠大可悲愍矣！此孟子謂：「富歲子弟多賴，凶歲子弟多暴，非天之降才爾殊也，其所以陷溺其心者然也」。亦即佛說業因多隨緣起，欲不造業，便須改良環境；而外緣亦從業生，欲無穢土，尤應救正人心。此菩薩如是觀察諸法因緣與業報，認為莫不皆由衆生自作自受，自纏自縛，實無一天神作其主宰，喜之怒之，賞之罰之。故今為欲以佛法作救治，所謂宜未雨而綢繆，勿臨渴而掘井；在勢必須先使其自淨身心，安分守己，不造諸惡，樂天知命；不貪一文非份之財，不說一句無益之話，令知因果，勿忘惡報，勇於為人，力戒自私。則其雖不行菩薩之道，實亦有大士之德，自必河清海晏，天下太平。脫非然者，便亦不如佛說：「業力不思議，雖遠必相牽，果報成熟時，欲避終難脫」。是則匪惟造作惡業之人，當必先受其苦報，所謂現在之百苦，將來之三塗。且亦必令行菩薩道者，其心怒焉憂之！往來奔走相救，無有寧息，其勞苦與難度，當必百千萬倍於此矣。

四 舉 法

至若所謂以一切善法，行於菩薩道者：略舉有如十善業道，靜慮解脫，等持正至，四念住，四正斷，四神足，五根，五力，七覺支，八正道，九想，十想，十種隨念，十一種智，三無漏根，奢摩他，毗鉢舍那，四攝事，四勝住，三明，五眼，六神通，六波羅蜜，七聖財，八大士覺，九有情居智，陀羅尼門，三摩地門，十地，十行，十忍，二十增上意樂，如來十力，四無所畏，四無碍解，十八佛不共法，三十二大士相，八十隨好，無忘失法，恒住捨性，一切智，道相智，一切相智，一切相微妙智，大慈大悲，大喜大捨，以及無量無邊之佛法，皆為行菩薩道之人，日常之所需，片刻不能離也。若以此濟度衆生，何生不度？常行佛道，其道必成，是為菩薩摩訶薩之大士行也。然而三世一切諸佛，在其因地之中，恒常以六波羅蜜為行門，以其作為利生之方法，苦海之寶筏。此殆或因其能攝諸餘善法，並能成就一切佛道。故若能修行六度，即是實行無量之妙法也。茲因篇幅所限，不能六法共舉，只以布施為例，便可自見。比如菩薩在行其道之時，見有一人應加以財施者，即便施以生活上之所需，如飲食衣服居

室湯藥等。或資生中之工具者，如錢財田地工藝器械等。又如或於有恩者，如父母師長良友等。有勝德者，如佛法僧與賢聖等。有情愛者，如妻子兒女眷屬等。有益於公者，如修築道路，建造橋樑，疏通溝塘，創辦義倉等，皆應量力資助，不求報答，此其一也。又如見有一人應加以法施者，即便亦施以世間之法，如倫常道德，仁義禮樂，修身正心，科學技藝等。若欲施以出世間之法，如為諸智者施以大法，為彼愚者說其淺法。若要言之，即為貪者說不淨觀，瞋者說慈悲觀，癡者說於緣起，慢者觀界差別，尋伺者觀出入息等。又如對二乘種性者教以聖諦解脫，大乘種性者教以六度菩提，無種性者教以十善業道，此其二也。又若見有一人應加以無畏施者，亦便施以種種無畏之事（後節引證中詳）如普門品所謂：「衆生被困厄，無量苦逼身，觀音妙智力，能救世間苦，具足神通力，廣修智方便，十方諸國土，無刹不現身；種種諸惡趣，地獄鬼畜生，生老病死苦，以漸悉令滅」。此其三也。由是可知所謂菩薩道者，包羅萬象，無所不為，已窮盡廣度衆生之能事。如其所謂：但求有利於人，雖肝腦塗地與粉骨碎身，以至於死墮地獄，亦皆毫不畏懼，昂然為之。此佛教之菩薩道，若衡諸世間上一切宗教之善行，試問有一能及之否？以其尚有我相與野心，何能真個不怕於死！故其為佛教所特有之妙行，人所不能否認者也。

五 引 證

若欲舉例言之，譬如佛昔在因地中為太子時，見有一乳虎飢欲食子，其心不忍，惻然愍之！乃委身於餓虎之前，恣其食噉，救其子命，此其一也。又如作輪王時，見有一鷹逐鴿，為全其命，以替鴿死。遂盡割身上之肉，予鷹食之，此其二也。再如濁世疫疾起時，一切人民惡疾相纏，無救無依，痛苦不已！遂以神通之力，妙藥嚴身，可療百病，喚人前來割取，食之便癒，此其三也。復如惡世飢饉生時，餓殍載道，慘不忍睹！乃以神力化作大魚，形量廣大，食之不盡，令人悉皆飽滿，此其四也。諸如是等，難以悉舉，即所謂難忍能忍也。其他若見一切衆生，或為虎狼獅子所逼，或被強盜賊人所脅；或逢大火，或溺狂流；或為暴政毒刑所加，或受異族強鄰之侵。使一切衆生哀呼慘號，無人拯救，勢非絕命不可。爾時菩薩目擊此事，心生慘痛，隨己能力，立即赴援；或以自身入虎狼穴，入盜賊巢，入大火聚，入洪水處；履險若夷，臨危不懼，縱失身命，亦不自惜，亦即所謂難行能行也。其餘如或以智辯，感化化愚，或以威力，除暴禦侮，拯救人羣，捍衛國家，寧可我墮地獄，不忍衆生受苦，此亦為其廣大之行也。譬如在此世間之中，常有志士仁人，忠臣孝子，亦是在行菩薩之道，捨身救人，全無所畏。如史載楊香打虎，西門豹投巫，沛公除秦苛政，緹縈請廢肉刑，弦高之却秦師，墨翟之難公輸，禹平洪水，稷教稼穡；下

迄於成湯放桀，武王伐紂，林肯之釋黑奴，甘地之爭獨立等。均皆功績彪炳，氣魄雄偉，德望甚孚，功勞實大。若以言於立德立功，是亦真應萬世不朽！不特此也，又如菩薩常見一切眾生，居恒纏縛於貪欲之網，沉淪於生死之海，常為無明暴風所飄，情愛狂流所溺，憂悲苦惱，永不能已！乃發大悲願，誓處生死，不住涅槃，入諸苦海，泛大慈舟；或以財施，或以法濟，皆欲置之彼岸，永脫輪迴。所謂：「若一眾生未成佛，終不於此取泥洹」。其誓願之宏，悲心之大，有如是者。故欲上求佛道，便須下化眾生，度人先於度己，修道次於修行。所謂「己雖未度，願度未來」。是為菩薩道之真義，亦方可以受佛之記別也。

六 結 論

總之，嘗聞佛云：「我不入地獄，誰入地獄」？其意是說凡外常欲自私，二乘只知自度，兩皆不欲度人，惠施於物，是誠得少為足，亦即所謂「自了漢」也。故其所謂三業清淨，一心不亂，但求菩提涅槃，永離塵勞煩惱。就箇人言，未嘗不冠冕堂皇，戒急重於乘急，自必速成佛道，往生淨土。然而若一回顧苦海中之眾生，尚仍自載沉載浮，呼娘呼爺，所謂「上天無路，入地無門」！雖有佛子在旁見之，亦以明哲保身為念，如俗所謂：「各人自掃門前雪，休管他人瓦上霜」。則佛法竟變成為自私自利，以言於「利生為事業，弘法是家務」，是真不知何解？且若人人皆欲了生脫死，又不知如彌陀經所謂：「不可以少善根福德因緣，得生彼國」。則若被佛問及功德何在，欲我接引？實亦必啞口無言，慚愧不已！須知若欲度生，便須不懼惹事生非，拖泥帶水。如淨名經曰：「若有大戰陣，立之以等力，菩薩現威勢，降伏使和安」。此以戰爭言也。又曰：「或現作婦女，引諸好色者，先以欲鈎牽，後令人佛智」。此以色欲言也。復曰：「或為邑中主，或作商人導，國師及大臣，以祐利眾生……見須供養者，現為作僮僕，既悅可其意，乃發以道心；隨彼之所須，得入於佛道，以善方便力，皆能給足之。」此以一切苦行言也。凡此所引，在佛視之，認為理所當然，勿庸置疑。然在一班學小乘者聞之，自必汗流浹背，掩耳疾走。大呼曰：我不願墮地獄，亦不欲作菩薩，只好讓佛一人去行之，不敢問聞。此佛乃以無緣之慈，同體之悲，入於地獄，毫無所畏；並在其間教化一切眾生，雖苦得樂，反迷成覺，其功無量，始成無上正等正覺也，觀此便知菩薩道為佛教精華之所在，不同於凡外之自私自利，二乘之自修自度。亦惟有此犧牲之精神，使一切宗教皆黯然無色，如螢火之於日光，自覺非常渺少，不可比擬。亦惟有此刻苦之行為，使一切眾生皆自生信仰，如稚子之於慈父，常欲得其撫養，自願皈依。此涅槃經曰：「佛能施眾安樂故，自於已樂不貪樂，為諸眾生修苦行，是故世間興供養」。此言佛法旨在施

人安樂，故願自修苦行也。又曰：「見他受苦身戰動，處在地獄不覺痛，為諸眾生受大苦，是故無勝無有量。如來為眾修苦行，成就具足滿六度，心處邪風不傾動，是故能勝世大士」。此言佛教之勝過其他宗教，即在於有慈悲心為眾生受苦，雖處邪說橫行之世，亦必無人敢加以破壞也。故今為欲實行佛道，或欲提高其在世界上之地位，理應請念佛之善男信女，修行之頭陀淨人；愍於眾生之苦，懷於世變之亟，於薰修以後，無妨多作一些社會事業，即四攝中所謂之布施，愛語，利行，同事。則佛教便可指日興盛，亦即為實踐菩薩道也。

於印尼棉蘭市蘇島佛學社。

昭 和 法 寶 總 目 錄 決 定 出 版 敬 告 大 藏 經 各 訂 戶

現在我提出一個最真實的報告，就是已請大藏經的諸位大德，應否預約昭和法寶總目錄，按照影印大藏經的規定，附有目錄一冊。但是所附目錄，只是簡單的排列經名譯人，表示全藏的順序，沒有其他作用。假設我們要查知藏內某一部經書譯者著者的歷史小傳生卒年月事蹟等，就非有昭和法寶總目錄不可，（在著譯部）這是昭和法寶總目錄的第一用途。假設我們要查知藏內某一部經書的文字是根據宋藏呢？明藏呢？或者高麗藏，日本藏呢？也非有昭和法寶總目錄不可（在勸同部）這是昭和法寶總目錄的第二用途。假設我們聽了一部經書的名字，要查知是否已編入藏內並在何部何冊，更非有昭和法寶總目錄不可（在索引部）這是昭和法寶總目錄的第三用途。假設我們要查知某一經書有幾種譯本？幾種註本？幾種別名？幾種刻板？以及何人所譯所註，已否入藏，尤非有昭和法寶總目錄不可（在著譯部）這是昭和法寶總目錄的第四用途。除了這四項重要用途外，他如歷代各國藏經內容的比較，敦煌石室古經分藏各國的數量，以及研究藏經的專門著作，都是閱藏時候的重要資料。本書局影印昭和法寶總目錄，裝訂與大藏經相同，全部三冊，定價新臺幣三百元，港幣七十元，預約祇收新臺幣一百八十七元，港幣五十元，包括郵費在內。希望踴躍預約，出版之後書印無多恐抱向隅。即日收款，七月出書。專此奉聞。

建康書局 郵局劃撥賬號二二八四三號

建 康 書 局 印 行

- 華嚴疏鈔 定價港幣廿元預約港幣十六元
- 淨土經疏 定價港幣廿元預約港幣十五元
- 大涅槃經集解 (七十一卷) 上二經與淨土經疏合裝一冊 定價港幣三十五元 特價廿四元
- 大涅槃經義記 (十九卷) 定價港幣廿元預約港幣十五元
- 翻譯名義集 定價港幣三十五元 特價廿四元
- 杜少陵全集詳註 精裝定價五十元 特價廿八元
- 長篇小說 定價十五元 預約十元

北臺中市山北路二段九十二號 郵政撥款號一四八三號